

# Solidarnosc é de todos

## Description

Esa parada fotográfica dos líderes do Partido Popular Europeo ao pé duns asteleiros en Gdansk (Polonia) é simplemente irritante. É falso que o ideario do movemento de 1980 coincida coas aspiracións dos "populares". No seo de Solidarnosc, ademais de anticomunistas, había autoxestionarios e anarquistas, socialdemócratas e socialistas críticos, católicos e ateos, xudeus e antisemitas. Tan indebida apropiación é pouco respectuosa coa historia e cos seus auténticos protagonistas. Certamente o desclasado Walesa, a figura de maior proxección internacional, rapidamente substituíu o "mono" do asteleiro por un elegante traxe; quizáis tamén por non saber permanecer no seu lugar, mingou a súa popularidade.

Solidarnosc é de todos. Asociar Solidarnosc e dereita europea é igual de abusivo e manipulador ca equiparar o afundimento do Kursk ou o incendio de Ostankino ós males da época soviética —na que non todo foi lixo e chatarra— obviando, como se non existiran, dez anos dun Ieltsin bebendo a creto do Fondo Monetario Internacional, mentres o país iba á deriva.

[Acceso ao artigo orixinal no repositorio web 1998-2012](#)

## APARTADOSTEMATICOXEOGRAFICOS

Europa ARQUIVO

## IDIOMA

Galego

## Date Created

Agosto 30, 2000

## Meta Fields

**Autoria :** 3717

**Datapublicacion :** 2000-08-30 00:00:00